

TYNGSHOP & PURON

“Ka jingim jong nga kum ka shyiap bad ka mluh” ka jingerwai pawnam ha ka phlim Roi Roi Binale ba khatduh



Ka jingbishar bniah biang ia ka sap ba kyrpang, ba donkam bad kaba khatduh, ka lyer ka beh hapoh ki jaka peit phlim jong ka Assam ka long kaba suhsieng - ym tang ka jingwibih popcorn ne ka jingkren lyngkot, hynrei ka jingsngew shon mynsiem. Shi taiew tan naduh ba la pyllait paidbah ia ka phlim ba khatduh ka “Roi Roi Binale” jong u Rajesh Bhuyan ka iai bteng ban khring ia ki nongpeitkai kiba dap iing ha kylleng ka jylla. Hynrei, ka jingkynthoh ka long kaba la phiah. Hato ki brierw ki don hangta na ka bynta ka jingia-thuhkhana ne ban sngew, ha ka sien kaba khatduh, ia ka jingdon jong u Zubeen Garg ha ka 70mm seen?

Katei ka phlim, ba la dairek da u Bhuyan, ka iathuh ia ka jingiathuhkhana shaphang uwei u khynnah uba dang hynhiew snem ka rta, uba kyrteng u Rahul, uba kylla long u “Raul.” u heart-throb jong ka Guwahati. Ka jingiathuhkhana ka dap da ka jingsngewsih bad jingerwai ba kitjingmut bad shohmynsiem. U Rahul, u khun jong ka jingma, u duh noh ia ki kmie ki kpa ha ka jingjia shlei um bad hadien u kylla long u nongshah pyntieng ba khraw. Ka jingerwai ka kylla long ki khmat jong u sha ka pyrrthei kaba la matlah da ka jingduh.

U Zubeen, uba ak kum u Raul uba la san, u pynhiar mynsiem ia la ka jong ka jingim ha ka jinglong khunswet. Naduh ka jingshon kaba nyngkong eh, u pynskhem ba ka jingerwai - ym ka spah - ka dei ka snam jong u, ka jingsawa jong u, ka jinglong baroh jong u. U'm ju leh tang kum u artist; u long uwei na kita kkba tbit. Bad haba u ong ba un kham sngewbha ban long u thawjingrwai bad nongrwai bashisha ban ia u brierw uba matlah uba beh ia ka nam, ka pynkhih ia ka sur kaba pynsawa palat ia ka jingthoh.

Kaba kham pynkhihwin shaphang ka “Roi Roi Binale” ka long kumno ka art ka pyni nuksa ia ka jingim - lehse kaba jan palat. Ka bynta kaba nyngkong ka long kumba ka jingpynpaw phlim ia ka jingleit jong u Zubeen hi, ia ki jingialeh bad ki jingshah pyndem. U paralok jong u “Neer” (Joy Kashyap) u ak kum u paralok/dkhot jong ka kynhun tem uba pyniahap ia ka jingjop bad ka pisa, tang ban shah thok ha u nongpyniaid jong u hi — ka khyllipmat kaba pynpaw ia ki khana kiba shisha kiba ki nongkyrshan ki tip bha. Ki nongpeitkai kim lah khlem da pyniaidei bad u Siddharth Sharma uba shisha, u man-ager barim uba ka kyrteng jong u ka pynkynmaw ia ki jingkynmaw ia ki jingialeh bad jingiakynad ha ka jingim jong u Zubeen.

Ka phlim ka rung ruh sha ki jingshai shimet bad saih hima sima jong u Zubeen — kaba ktah ia ka jingieit, ka jingleh pyrrshah, bad ka jingieit skhem ha ka kam shna dur. Ha kawei na ki por kaba kham jem, u MLA uba dang peit bniah ia ka elekshon lingdorbar ban wan u lehkai ia ka jingiakhiih ba pawnam jong u riewsaiah pyrrthei - ka jingkynthoh kaba shai ia ka jingong paidbah jong u Zubeen ba kata ka jingleh ka dei ka jingmut jong u tynrai. Ka jingpyniaid jong u Bhuyan kam ju sngewthuh bakla ia kum kine ki sur ba shlur. Ka dro ia u Zubeen ym tang kum u nongpynbyrngia, hynrei kum u nongdro bym tieng ban shim ia ka bor bad ban lehkai ia ka saih pyrrthei.

Nangta ka wan ka jingiakynduh jong ki lad pathai khubor — kaba thymmai, kaba shisha bad kaba pynsngewsih. Haba u Raul u iaikynduh ia ka jingkylli kaba khlem jingsngewthuh, ka pynkylla ia ki jingiakren ba jynjar jong u Zubeen bad ki nongthoh khubor, khamtam eh ia ka jingkynthoh jong u ha kawei ka hotel ha Guwahati ha ki sngi ba nyngkong jong u. Ka jingsngewsih, ka jingsngewsih, ka jinglong rit paid — baroh ki shem ia ka lynti ban leit phai biang sha ka screen, ki pyndum ia u laini hapdeng ka reel bad ka jingshisha.

U Mousumi Alifa, uba leh kum u Mou, u pyndap ia ka jingjylliew jong ka jingsngew ha kane ka jingiathuhkhana. Nalor ka jinglong ba tbit jong ka, ka jinglong jong ka ka wad bniah ia ka jingim jong ka kynthei kaba ialeh ban ioh ia ka burom ha ka pyrrthei kaba la synshar da ki shynrang - haduh ba kan da shem ia ka jingieit bad uwei u brierw uba matlah, u Raul jong ka Zubeen. Ka dei ka jingiadei kaba jem kaba palat ia ka jingsngewrit sha kaei kaei kaba jylliew bha kaba long brierw.

Hynrei, hapoh ka jingshad kti ka don ka jingkylli kaba pynsngewsih - hato ki nongpeitkai ki rakhe ia ka “Roi Roi Binale” kum ka phlim, ne ki sngewsih ia ka kum ka jingleit phai? Ha ki hall kiba dum, ki ummat jong ki nongkyrshan ki pyrrta ia ka jubab. Ki brierw ki iam lynggai, ki da pyrrta “Oo Zubeen Da”, kumba pyrrta ia u paralok u bym ju leit noh. Lehse ka jingieit ka kham duna ia ka phlim hi, bad kham bun ia u brierw uba la ai ia ka Assam ia ka jingkhiih dohnud jong ka ha ka jingrwai.

Wat ka jingiapher ruh ka sngew pher. Ym don ki jingpynbna, ym don ki jingsanghe khaii - tang u Zubeen bad ki jingkynmaw jong u ki pyndap ia ka screen. Ka long kumba ki nongshna phlim ki tip ba man la ka sekhon jong ka jingsngap jar kan long kaba kyntang na ka bynta ki nongbud jong u.

“Ka jingim ka long kum ka dewbilat bad ka umsoh,” ong u Raul ha ka phlim. Haba peit ia ka “Roi Roi Binale”, ym lah khlem da sngew ba ka Zubeen uba la im shisha ia kata ka lain. U la bam ia ka dewbilat, u la dih ia ka um mluh, bad u dang tei ia ka pyrrthei kaba dap da ka jingerwai, ka jingsngew bad ka jingpyrrshah na ka bynta ki brierw jong u.

Kumta, la ka “Roi Roi Binale” ka dei ka phlim ba itynnad ne ka phlim kaba don jingduna la jan kam pher. Kaba kongsan ka long kaei kaba ka pyni — ka jingleit phai, ka jingpyrrkhat, ka jingmihpat jong baroh kaba u Zubeen Garg u la ieng na ka bynta. Kam dei tang ka jingpyni phlim. Ka long ka jingleit jingwan jong ka jingieit, ka jingkynmaw, bad ka jingerwai - ha kaba ka Assam ka peit ym tang da ki khmat, hynrei ha ka dohnud.



Shah kem u ehrang ka UNLF (K) ha Kakching bad kurup tiar ialeh, ka pisa, bad kuli

Kakching, Naiwieng: Ki bor pahara ka Manipur, hynnin ka janmiet 10 tarik mynta u bnai ki la ioh kem ia uwei u shipai ehrang ba trei shitom bha jong ka seng lehnoh ba la khang bad niew Part-II, Chingdompok kaba hap hapoh ka Thoubal district. Katkum ki tyllong khubor pahara, u Inaocha u la donkti bha ha ki kam dawa pisa na ki hehspah bad lum pisa na ki paidbah ha katei ka thaini. Ha katei ka jingkhynra,

ki bor pahara ki la ioh kurup kawei ka pistol .32 bad ka jingthep kuli (magazine); lai tylli ki kuli .32 ammunition; kawei ka voter ID card; kawei ka mobile phone ryngkat ka ar tylli ki SIM cards, kawei ka purse thep pisa kaba don T. 41,200 bad kawei ka kali arshaka. Ia une u cadre ba la shah kem ryngkat bad ki tiar ba la ioh kurup la aiti sha ki bor pulit ba dei peit jong ka thaini ban pynlong ia ka jingtohkit kaba bniah.

Pynrem ki samla pule ka Manipur ia ka MPSC ia ka jingbym shimkhia, lehklet bad bym don jingkitkhlieh



Imphal, Naiwieng: Ka So-cialist Students' Union of Manipur (SSUM) ka la pynrem jur ia ka Manipur Public Service Commission (MPSC) halor kaei kaba ka la kdew ba ka dei ka “jingleh khlem akor kaba khlem pat ju jia mynno mynno ruh” ha kaba pynlong ia ka MPSC Civil Services Mains Examination 2025 kaba la long ha ka 9 tarik mynta u bnai.

Katkum ka jingong jong ka Synjuk, ka jingbakla kaba jur bha ha ka rukom treikam ka la jia ha ka por ba shong dorbar mynstep haba ka Commission ka la sam ia ki kot jingkylli kiba wat la ki don ka kyrteng kaba dei, hynrei ki don ia ki jingkylli kiba la thmu na ka bynta ka jingialang myn-step. Ka

SSUM ka la khot ia kane ka “jingbymlah ha ka rukom synshar kaba pyn-kyndit” kaba la pynpaw ia ka jingthut ha ka rukom pynshisha jong ka Commission bad ka la pynmih ia ki jingsngewkhia kiba jur halor ka jingkitkhlieh jong u paralok shon kot ba la jied jong ka. “Kane ka jingbymlah ka pyni ia ka jingbymlah kaba pura ha ka jingpeit bniah ia ka jingbha bad ka jingpahara ia ki eksamin, kaba pynduh-jait jur ia ka jingshaniah bad jinglong hok jong ka eksamin,” la ong ka SSUM.

Ka kynhun jong ki samla pule ka la pynkyn-maw ruh ia ki jingjia ba la dep jong ka jingpyniaid bakla, kynthup ia ka jing-shah pynthut ha ka eksamin

jong u snem 2016, da kaba ong ba “kum kine ki jing-bymlah ba ju jia man ka por ki pyni ia ka jingbym lah jong ka tnat treikam bad ki la pynduh ia ka jingshaniah ki paidbah ha ka MPSC.”

Da kaba dawa ia ka jing-kitkhlieh mardor, ka SSUM ka la khot:

Ka jingpanmap paidbah bad ka jingpynshai kaba bniah na ka MPSC ha kaba iadei bad ka jingbym lah ban leh ia ka rukom treikam; Ka jingtohkit kaba ha khlieh duh ban ithuh bad pynshitom ia kiba donkti, kynthup ia ki heh ophisar; Ka jingpyntreikam ia ki lad jingiada kiba pyrkhing ban pynthikna ba kum kine ki jingbakla kin ym jia biang.

Da kaba pynpaw ia ka jingiatylli bad ki nongia-khun kiba shah ktah, ka SSUM ka la kyntu ia ka Sorkar Manipur ban tuklar bad pynthikna ia ka hok, ka jingshai, bad ka jingkit-khlieh ha kane ka kam. “Ym don uwei ruh u nongthmu uba dei ban mad jingeh namar ka jingbym shimkhia jong ka Commission,” la pynkut ka kyrwoh.

Nyngkong ka Pahalgam bad mynta ka Delhi: Ong u Gaurav Gogoi halor ki lad jingiada ba khlaini na ki kam lehnoh



Guwahati, Naiwieng: U MP ka Congress, u Gaurav Gogoi, hynne ka sngi u la pynpaw ia ka jingsngewkhia kaba khraw halor ki jingshah thombor ba Pahalgam bad dang shen ha kine ki sngi ha Delhi, ha kaba u la khot ia ki kum ki jingjia kiba pynkyndit bad kiba pynsngewsih jur kiba dawa ia ki lad jingiada kiba kham khlaini bad ka jingiatylli jong ka ri.

Ha ka jingthoh ha ka social media, u Gogoi u la thoh, “Nyngkong eh ka Pahalgam bad mynta ka Delhi. Ka long kaba sngew kyndit bad kaba sngewsih haduh katta katta ban iohi ia ki riew paidbah ka ri India ba kin ngop ha ki kam lehnoh ha u snem 2025.”

U la ong ba ka kamram ba kongsan tam jong ki nongtrei paidbah ka long ban pynneh pynsah ia ki nongshong shnong bad u la

'Pyrshah ia ngi lada phi dei u shynrang' Byrngem ki Taliban Pakistan ia u Asim Munir

Ka jingphriang ha ka jingpynlait ia ka video ba thymmoi da ka seng lehnoh ki nong Pakistan ka Tehreek-e-Taliban Pakistan (TTP) ka la buh ia u heh shipai jong kane ka Ri, u Field Marshal Asim Munir, ha ka jaka kaba pher ha ka jingbyrngem byrsied. Ki video, ki pyni ia u heh rangbah shipai ka seng TTP, uba byrngem ia u Munir, da kaba kynnoh ba ki shipai Pakistan ki dei ban kiar na kaba phah ia ki shipai ban shah pyniap bad ha ka jaka jong kata, ki ophisar ba ha khliehduh ki dei ban ialam ialade sha madan thma. Ki video ka byrthen byrngem ruh ia u “Pyrshah bad tynjuh ia ngi lada phi dei u shynrang.”



Kitei ki video, ki kynthup ia ki dur jongka jingshah therbom nabarieh ha ka 8 tarik u mynta u bnai ha Kurram jong ka Khyber Pakhtunkhwa, ha kaba ka TTP, ka kam ba 22 ngut ki shipai Pakistan ki la iap bad pyni ia ki tiar siat bad ki kali, kiba la ioh kurup. Ki jingthoh ba thikna jong ka Pakistan haduh mynta ki la pynpaw ba ki don tang khyndiat ngut kiba la mynsaw: katba ki shipai ki la kam ba ki don 11 ngut ki shipai kiba la iap ha katei ka jingshah thombor. Ha kawei ka clip, uwei u heh ka TTP u Commander Kazim u la paw ha ka camera bad u la ong, “Pyrshah ia ngi lada phi dei u rangbah.” Ha kajuha ka video, u Kazim u la ong shuh shuh, “Ialeh pyrrshah ia ngi lada phi la ioh ia ka dud jong ka kmie jong phi.” Ha ka 21 tarik u Risaw, ki bor synshar ka Pakistan ki la pynbna ban ai khusnam haduh T. 10 klur ka pisa Pakistan (PKR) ia uno uno uba ai jingtip ba lah ban ialam sha ka jingkem na jingioh pyniap ia u Kazim.

Sngewsih ka nongleitkurim ba wan tang 5 ngut sha ka jingkhawai kyntiew kurim

U brierw na US u lap ba u trai jong ka khun jong ki ka la wan rah ka jingkmeh na sngi kyntiew kurim kaba la pynkreh bha na bynta ban pdiang ik i bun ngut ki nongshah khot sngewbha sha ka jingkhawai kyntiew kurim, pynban ka la wanlam ka jingdiaw namar ka jingwan ki nongshah khot sngewbha ki long tang khyndiat ngut ym kumba la pynkreh bad dep phah jingkhoh sngewbha. U la synran lang ia ki katba ki dang iaid lyngba ia ka lynti iaid ha ka sur jong ka jingerwai jong ka Miley Cyrus “When I Look at You” kaba la pynsawa ha ka por ba ki rung. Ka Kalina ka la khot sngewbha lyngba online sha ki 75 ngut ki brierw shimet bad ka la leit ai hi dalade ia ki kot jingkhoh ngewbha ia ki 25 ngut sha ka jingkhawai kyntiew kurim jong ka.



“Nga la kren khlem kut shaphang kane ka ‘Masquerade ball’ ha kine ki 10 bnai ba la dep. Nga la phah ia ki jingkhoh sngewbha digital sha ki 75 ngut lyngba ka online bad nga la pynlut ha ki 25 tylli ki jingthoh ba la lait aiti dalade markhmat. Wat hapdeng ka jingpyrrshang jong ka, ka la pynpaw ba tang san ngut kiba la wan sha ka jingkhawai kyntiew kurim bad ki la synran ia ka. Kitei ki shijur kiba la iadon ryngkat la khyndai snem. Ka Kalina ka la kdew ba ka jingkhoh ka la pyni ia ka por 1 baje mynsngi por sdang, hynrei ha ka por 2 baje mynsngi ruh tang san ngut ki la wan sha ka jingkhawai.

Lap u nong US ba ka trai jong ka Bakery ka dei ka kmie ba kha bad ba tingkhun ia u

Ha Chicago, u Vamarr Hunter, uba 50 snem ka rta, u la ioh ia ka jingkyndit jong ka jingim jong u, haba u lap ba ka trai jong ka jaka shet jingshet (tandur) kaba u ieit eh, ka dei pynban ka kmie kaba kha ia u, ka Lenore Lindsey, kaba 67 snem ka rta, kaba la aiti ia u ban ting khun la jan 50 snem mynshwa. U Hunter, uba la shah ting khun naduh dang khyllung, u la ioh jingtip shaphang ka kmie ba kha ia u, hadien ba la leh ia ka jingtest genetic ha u snem 2022, ba la iarap da ka nongwad bniah ia ka symbai hiarpateng, ka Gabriella Vargas, ka Lindsey, kaba la koit na ka jingshah sumar bampong, ka la phone ia u bad u Shane ki la rai ban pyndonkam hok ia ka sngi jong ki.



Ki la iasam ia ka jingshad kaba nyngkong eh jong ki, ryngkat bad ki khyndiat ngut ki nongwan kiba la pyrrshang ban pynkmeh ia ki. “Ka pynlong ia nga ban pyrkhat, balei? Hato ngi la leh bakla? Hato ngim long kiba bha? Balei ngim shym la shimkhia ia ki brierw ban wan?” Ka Kalina ka la pyrkhat, ong u Hunter tang mar ia tip ia katei ka khubor. Ka jingiakynduh biang kaba sngewtynnad ka la pynkyndit ia baroh arngut, katba u Hunter u la sngewthuh ba ka tyndur kaba u ieit eh, ka “Give Me Some Sugah,” la long trai bad pyniaid ba ka kmie kaba kha ia u.

La kha ia ki jait ksew 'African painted' ba la jan duh jait ha Indiana

Kawei ka jaka ri mrad ha Indiana ka la pynbna ba la kha ia lai tylli ki ksew kiba kadei na ki jait ksew ba la jan duh jait ki kiba la tip kum ki African painted. Katei ka jaka ri mrad ka Potawatomi Zoo kaba don ha South Bend ka la ong ba kitei ki khun ksew ki dei kiba la kha ha ka 28 tarik u Nailur, ha ka sien kaba nyngkong na ka kmie ka Bleu bad u kpa u Maurice, hynrei la iohi ba ki kmie kpa jong kitei ki sngew ki jan bha bad kitei ki khun ba dang kha jong ki.



Kawei ka kmie ksew kaba kyrteng Kassy ka rong ksiar ka dei kaba la wanrah sha katei ka jaka ri mrad ba kan kha ia ki khun ksew jong ka. Don napdeng ki ksew kiba la kha ha katei ka juh ka sngi kim shym la lah ban im, hynrei kitei ki lai tylli ki la im mynta la 11 taiew bad ki don hapdeng ka met kaba shait ba khlaini.

La lah ban pynkha ia 3 tylli ki shrieih cotton-top tamarin kiba la jan duh jait

Ki khun shrieih cotton-top tamarin kiba la jan duh jait kiba la ap khmih lynti ban pynkha ha Walt Disney World mynta u snem ki la mih pyrrthei, ong ki nongtrei jong ka jaka ri mrad. Kitei ki lai tylli ki khun shrieih ki dei kiba la kha ha Animal Kingdom's Discovery Island bad ki la don ka jingiadei kaba jan bad ki kmie kpa kumjuh ki hynmen jong ki, ong u nongaiktien ka Disney World ha ka jingiakren bad ki lad pathai khubor ka UPI.

Ha shwa jong kine ki lai tylli, la lah ban pynkha ia ar tylli ki khun na kitei ki jait shrieih ha u bnai Kyllalyngkot. Kiba khia tang 1 pound, ki jait shrieih cotton-top tamarin ki dei kiba lap tang ha ki jaka khlaw bym ju duh slap jong ka thaini shatei sepgni jong ka Colombia. Kitei ki shrieih ki paw halor ka jinglah jong ki ban iajan bad kino kino ki jait jingthaw bad la don ruh ki sabot kiba lah ban pynshisha ba kine ki jait mrad ki long kiba kham phylla. Wat lada ki long kiba rit bha, bad don ia ka jingpher na kiwei ki jait mrad, kine ki shrieih ki lah ban ryngkoh na ka jingrong kaba 15 phut, katba kat kum ka jinglong jong ki la ai kyrteng ruh ia ki da ki bright-white hair (Ki shrieih kiba don ia u shniuh ba lieh na shynrong khlieh jong ki.